

Yegando su final



Linear Park ta kedando cla cu un imagen completamente nobo poniendo enfasis riba turismo Pagina A2.

Cu logo di Aruba ta muestra cu e proyecto di Linear Park ta den un estado hopi avansa pa finalisa

ORANJESTAD - Despues di varios contratiempo, finalmente e proyecto di Linear Park ta kedando cla. Tur hende cu a pasa ayera dilanti di e Linear Park por a ripara e avance nan tumando lugha riba e tereno di Linear Park. Cu ponemento di e logo oficial di Aruba, por mira cu e trabounan ta yegando un fase hopi avansa.

LOGO ARUBA

Aunke e logo no tabata parti inicial di e proyecto di Linear Park, a pone esaki pa trece un dimension diferente riba e parke.

E logo di Aruba ta bou di encargo di Oficina di Turismo Arubano y no bou responsabilidad di e contratista di e Linear Park. Es mas e area caminda cu e logo di Aruba a keda poni a keda entrega caba na DOW y ya caba DOW a haci e traspaso oficial di e ki-



Impresion di e facilidadnan comercial riba e Linear Park

osconan riba e parke na nan respectivo doñonan.

FINALISA

E proyecto di Linear Park ta bay keda finalisa cu un retraso di alrededor di 13 luna, pero e finalisacion di e proyecto aki a bay den e presupuesto prescribi. Mas ainda por bisa cu den futuro ainda ta bay traha mas actividadnan recreativo

pa famia. Hunto cu e facilidadnan cu tin, a crea sitionan pa e publico pro haya algo di come y bebe riba e tereno di e parke tambe. Tur e facilidadnan aki ta den planificacion pa habri den e proximo dianan.

APERTURA

E apertura oficial di e Linear Park ta tuma lugha dia 17 di Maart proximo y ya caba e



Logo Aruba cu ta bay keda inaugura diadomingo proximo

preparativo nan ta tumando lugha pa e apertura oficial aki. Durante e apertura tin un acto protacolar sigui pa un mercado di Santa Rosa. Tur mandatario lo ta presente na e activi-

dad aki diadomingo proximo pa presencia e apertura di e parke multifuncional aki y henter comunidad ta invita segun minister di Turismo Y transporte Otmar Oduber. □